

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-21127/22  
Sarajevo, 14.11.2022. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine a na preporuku Komisije za javnu nabavku radova, Općinski načelnik donosi

## **ODLUKU**

### **Izvođenje radova na izradi ograde oko školskog dvorišta O.Š. “Avdo Smailović”**

#### **I**

Prihvata se preporuka Komisije za javnu nabavku radova i ugovor u postupku javne nabavke - Izvođenje radova na izradi ograde oko školskog dvorišta O.Š. “Avdo Smailović” broj obavještenja 422-7-3-217-3-193/22 objavljeno na Portalu javnih nabavki BiH dana 11.10.2022.godine, dodjeljuje se ponuđaču „RMK Engineering“ d.o.o. Sarajevo, sa ponuđenom cijenom za ugovor u iznosu od 37.458,00KM bez PDV-a, odnosno 43.825,86KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-21127/22 od 06.10.2022. godine Općina Novi Grad Sarajevo pokrenula je konkurentski postupak javne nabavke – „Izvođenje radova na izradi ograde oko školskog dvorišta O.Š. “Avdo Smailović” broj obavještenja 422-7-3-217-3-193/22 objavljeno na Portalu javnih nabavki BiH dana 11.10.2022.godine. Predmetni postupak javne nabavke pokrenut je na osnovu člana 5. stav (1) tačka 2) Sporazuma o saradnji na realizaciji projekta izvođenje radova na izradi ograde oko školskog dvorišta OŠ „Avdo Smailović“, Općina Novi Grad Sarajevo, zaključenog sa Ministarstvom za odgoj i obrazovanje Kantona Sarajevo i JU OŠ „Avdo Smailović“, broj 02/02-11-24590/21 od 29.12.2021.godine.

Rješenjem Općinskog načelnika broj 02/02-04-22043/22 od 20.10.2022. godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član Komisije predstavnik Ministarstva za odgoj i obrazovanje Kantona Sarajevo. Komisija je prije otvaranja ponuda potpisala Izjave o nepristrasnosti u skladu sa Zakonom o javnim nabavkama i donijela Poslovnik o radu.

Zapisnikom o otvaranju ponuda od 21.10.2022. godine Komisija je konstatovala su u predviđenom roku, u propisno upakovanim kovertama, pristigle tri (3) ponude ponuđača:

1. „RMK Engineering“ d.o.o. Sarajevo
2. “GD Konstrukcije” d.o.o. Mostar
3. “Dinalsa” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku, te utvrdila da dostavljene ponude ispunjavaju formalne-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, što kako slijedi: 1. "Dinalsa" d.o.o. Sarajevo sa ponudnom cijenom za ugovor u iznosu od 41.987,37 KM bez PDV-a, 2. "GD Konstrukcije" d.o.o. Mostar sa ponudnom cijenom za ugovor u iznosu od 42.551,41 KM bez PDV-a i 3. "RMK Engineering" d.o.o. Sarajevo sa ponudnom cijenom za ugovor u iznosu od 43.282,44 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 28.10.2022. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-217/22 od 28.10.2022.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. "RMK Engineering" d.o.o. Sarajevo sa ponudnom cijenom za ugovor u iznosu od 37.458,00 KM bez PDV-a,
2. "GD Konstrukcije" d.o.o. Mostar sa ponudnom cijenom za ugovor u iznosu od 37.500,00 KM bez PDV-a,
3. "Dinalsa" d.o.o. Sarajevo sa ponudnom cijenom za ugovor u iznosu od 37.958,02 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponudena cijena za ugovor ponuđača „RMK Engineering“ d.o.o. Sarajevo iznosi 37.458,00 KM bez PDV-a, odnosno 43.825,86 KM sa PDV-om, o čemu je ponuđač dostavio saglasnost broj dana 01.11.2022. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „RMK Engineering“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova

Općinski načelnik  
mr. Semir Efendić

